

Наманган вилояти Адлия бошқармаси
Наманган шаҳар тадбиркорлик субъектларига
Давлат хизматлари кўрсатиш “Ягона дарча
маркази” томонидан 2017 йил
“ _____ ”
№ _____ -сонли реестр билан
<< ҚАЙТА РЎЙХАТГА ОЛИНДИ >>

Давлат статистика қўмитасининг
2017 йил 27 сентябрдаги
87-сон буйруғига
7-илова

Наманган вилояти статистика бошқармаси

НИЗОМИ

Наманган вилояти статистика бошқармаси тўғрисида НИЗОМ

1-боб. Умумий қоидалар

1. Мазкур Низом Наманган вилояти статистика бошқармасининг (кейинги ўринларда Бошқарма деб аталади) мақоми, асосий вазифалари ва функциялари, ҳуқуқ ва мажбуриятлари, шунингдек фаолиятини ташкил этишни белгилайди.

2. Бошқарма Ўзбекистон Республикаси Давлат статистика қўмитасининг (кейинги ўринларда Давлат статистика қўмитаси деб аталади) ягона тизимига кирувчи ҳудудий давлат статистика органи ҳисобланади ва ўз фаолиятида Давлат статистика қўмитасига бўйсунди.

3. Бошқарма маҳаллий давлат ва хўжалик бошқаруви органлари, юридик шахслар ва фуқароларнинг расмий статистика ахборотида бўлган эҳтиёжини қондирувчи, яхлит илғор статистика ахбороти тизимининг фаолият кўрсатишига йўналтирилган давлат статистикаси соҳасидаги ягона сиёсатни амалга оширишда иштирок этади.

4. Бошқарма ўз фаолиятида Ўзбекистон Республикаси Конституцияси ва қонунларига, Ўзбекистон Республикаси Олий Мажлиси палаталари қарорларига, Ўзбекистон Республикаси Президенти фармонлари, қарорлари ва фармойишларига, Ўзбекистон Республикаси Вазирлар Маҳкамаси қарорлари ва фармойишларига, Давлат статистика қўмитасининг буйруқлари, қарорлари, топшириқлари ва кўрсатмаларига, мазкур Низомга, шунингдек бошқа қонун ҳужжатларига амал қилади.

5. Бошқарма ўз фаолиятини бошқа маҳаллий давлат органлари ва юридик шахслар билан ўзаро ҳамкорликда, шу жумладан идоралараро электрон ҳамкорлик қилишдан фойдаланган ҳолда амалга оширади.

6. Бошқарма ўз фаолиятини Ўзбекистон Республикаси Вазирлар Маҳкамаси томонидан тасдиқланадиган Давлат статистика ишлари дастурига асосан Давлат статистика қўмитаси томонидан тасдиқланадиган Давлат статистика ишларини ишлаб чиқариш дастурига мувофиқ ташкил қилади.

7. Бошқарма ва вилоятнинг туман (шаҳар) статистика бўлимлари (кейинги ўринларда вилоят статистика органлари деб аталади) фаолиятига давлат органлари ва маҳаллий давлат ҳокимияти органларининг аралашишига йўл қўйилмайди.

8. Бошқарма юридик шахс ҳисобланади, Ўзбекистон Республикаси Давлат герби тасвири туширилган ҳамда ўз номи ёзилган бланк ва муҳрга, мустақил балансга, банкдаги ҳисоб рақамларига эга бўлади.

9. Бошқарма қуйидаги манзилда жойлашган: Наманган шаҳри, Ок йўл кўчаси, 104а-уй.

2-боб. Бошқарманинг вазифалари ва функциялари

10. Қуйидагилар Бошқарманинг асосий вазифалари ҳисобланади:

давлат статистикаси соҳасида ягона сиёсатни амалга ошириш ва статистикани ташкил этишнинг самарали тизimini таъминлаш;

халқаро стандартларга мувофиқ бўлган ягона статистика методологиясини ҳамда давлат статистика кузатувлари шакллари жорий этиш;

ижтимоий-иқтисодий ҳодисалар, жараёнлар ва уларнинг натижалари тўғрисидаги статистика ахборотларини йиғиш, қайта ишлаш, тўплаш, сақлаш, умумлаштириш, таҳлил қилиш ва эълон қилиш;

давлат органларини, юридик шахсларни ва аҳолини Наманган вилояти бўйича статистика ахборотлари билан белгиланган тартибда таъминлаш;

Корхоналар ва ташкилотларнинг ягона давлат регистрини, статистика ишларини ташкил этиш учун зарур бўлган иқтисодий-статистик классификациялар тизимини юритишда иштирок этиш;

вилоят статистика органларида ахборот-коммуникация технологияларидан самарали фойдаланишни таъминлаш;

вилоят статистика органларининг иш усуллари ва шакллари янада такомиллаштириш, фуқароларнинг мурожаатларига ўз вақтида муносабат билдириш, юкланган вазифалар ўз вақтида ва сифатли бажарилиши учун ходимларнинг масъулиятларини ошириш.

11. Бошқарма ўз зиммасига юкланган вазифаларга мувофиқ қуйидаги функцияларни амалга оширади:

а) давлат статистикаси соҳасида ягона сиёсатни амалга ошириш ва статистикани ташкил этишининг самарали тизимини таъминлаш борасида:

статистика маълумотларидан фойдаланувчиларнинг талабларини ўрганишни ҳисобга олган ҳолда Давлат статистика ишлари дастурига киритиш учун таклифлар тайёрлайди;

вилоят статистика органлари таҳлилий салоҳиятини мустаҳкамлаш бўйича зарур чораларни кўради;

давлат статистикаси тамойилларига риоя этилишини ва халқаро стандартларга мувофиқ бўлган статистик методологиянинг ягоналигини таъминлайди;

б) халқаро стандартларга мувофиқ, бўлган ягона статистика методологиясини ҳамда давлат статистика кузатувлари шакллари жорий этиш соҳасида:

фойдаланувчиларнинг статистика ахборотларига бўлган талабларидан келиб чиққан ҳолда давлат статистика кузатувлари шакллари такомиллаштириш бўйича таклифлар тайёрлайди ва Давлат статистика қўмитасига киритади;

Наманган вилоятида давлат статистика кузатувлари шакллари жорий этилишини ташкил этади, жумладан ҳисобот тақдим этувчи субъектларни тасдиқланган давлат статистика ҳисоботи шакллари тўғрисида хабардор қилади ҳамда уларни электрон шаклда тўлдириш ва тақдим этиш бўйича тушунтиришлар беради;

давлат статистика кузатувларини ягона статистика методологиясига қатъий амал қилган ҳолда ўтказилишини таъминлайди;

в) ижтимоий-иқтисодий ҳодисалар, жараёнлар ва уларнинг натижалари тўғрисидаги статистика ахборотларини йиғиш, қайта ишлаш, тўплаш, сақлаш, умумлаштириш, таҳлил қилиш ва эълон қилиш соҳасида:

Давлат статистика ишларини ишлаб чиқариш дастурининг бажарилишини таъминлайди;

Наманган вилояти бўйича ижтимоий-иқтисодий ривожлантириш давлат дастурларининг бажарилиши юзасидан Давлат статистика қўмитаси томонидан белгиланган давлат статистика кузатувларини ўз вақтида ва сифатли амалга оширилишини ташкил этади;

худудларни ривожлантириш дастурлари амалга оширилишининг боришини ўз вақтида ва ишончли статистик ҳисобини таъминлайди;

давлат статистика ҳисоботларини электрон кўринишда, зарур ҳолларда қоғоз кўринишида йиғишни, уй хўжаликларини статистик кузатишни, рўйхатдан ўтказишларни, бир марталик ҳисобга олишларни, сўровларни ва бошқа кузатувларни Давлат статистика қўмитаси томонидан тасдиқланган шакллар ва методологияга қатъий амал қилган ҳолда ташкил этади ва таъминлайди;

Наманган вилояти бўйича энг муҳим иқтисодий ва ижтимоий жараёнлар ва ҳодисаларнинг дастлабки статистик таҳлилинини олиб боради;

статистика, ҳисобот кўрсаткичларининг ва ўтказилган танланма кузатувлар натижаларининг тезкорлиги, ишончилиги ва ҳолислигини таъминлайди;

статистика ишларини ташкил этишнинг статистика ахборотларини йиғиш, қайта ишлаш ва умумлаштириш тартибига давлат органлари ҳамда маҳаллий давлат ҳокимияти органларининг ҳар қандай аралашувини истисно қиладиган тизимини яратиш бўйича чора-тадбирларни амалга оширади;

хўжалик юритувчи субъектларга ишончли давлат статистика ҳисоботларини тақдим этишда ҳар томонлама кўмаклашади, статистик маълумотларни тақдим этиш соҳасида ҳуқуқий маданиятни ошириш ва ҳуқуқбузарликларнинг олдини олишнинг таъсирчан механизмларини амалга оширади, статистик назоратни амалга оширишнинг замонавий усулларини қўлланишини таъминлайди;

Бошқарма веб-сайтини шакллантиради, юритади ва янгилаб боради, фойдаланувчиларга ундан ва Давлат статистика қўмитасининг ахборот ресурсларидан фойдаланишга доир тушунтиришлар беради;

олинган статистика маълумотларининг маҳфийлигини, бирламчи ҳисобот маълумотларидан юридик шахсларнинг фаолиятини, бошқа хусусиятларини ёки микдор кўрсаткичларини расмий тасдиқлаш мақсадида фойдаланишга йўл қўймасликни, давлат сирларига эга бўлган статистика маълумотларининг ҳимоя қилинишини таъминлайди;

қонун ҳужжатларига мувофиқ, вилоят статистика органлари фаолияти жараёнида юзага келган архив ҳужжатларини комплекшлаш, сақлаш, ҳисобга олиш ва улардан фойдаланиш ишларини амалга оширади;

ўз ваколатлари доирасида Бошқарма фаолияти жараёнида олинган хизмат, банк, тижорат сирларини ва бошқа махфий маълумотларни ўз ичига олган ахборотларни сақлаш ва ҳимоялашнинг тегишли тартибини таъминлайди;

г) давлат органларини, юридик шахсларни ва аҳолини Наманган вилояти бўйича статистика ахборотлари билан белгиланган тартибда таъминлаш соҳасида:

фойдаланувчиларнинг кенг оммаси учун Наманган вилояти бўйича статистик ахборотларнинг максимал даражада очиқ-ойдинлиги ва ошкоралигини таъминлайди;

ҳудудларнинг ривожланишини тизимли таҳлил қилиш бўйича бошқа ҳудудий бошқарув органлари, маҳаллий давлат ҳокимияти органлари билан яқиндан ҳамкорлик қилади;

маҳаллий оммавий ахборот воситаларида жойлаштириш учун ижтимоий-иқтисодий ривожланиш тенденцияларини тавсифловчи комплекс таҳлилий маърузалар, пресс-релизлар ва мақолалар тайёрлайди, тарқатилаётган статистик маълумотларга таҳлилий ва маълумотнома материаллар мажбурий тартибда илова қилинишини таъминлайди, ушбу материалларни маҳаллий оммавий ахборот воситаларида (маҳаллий телеканалларда) бериб борилишини ташкил этади;

миллий иқтисодиёт тармоқлари ва соҳалари ҳамда ҳудудларнинг ривожланишини, ислохотларни чуқурлаштириш ва иқтисодиётни эркинлаштириш, ишлаб чиқаришни модернизациялаш ва технологик қайта жихозлаш, ҳам ашё ресурсларини чуқур қайта ишлаш, вилоят ҳудудларини комплекс ривожлантириш бўйича қабул қилинган дастурларнинг амалга оширилишини, аҳоли турмуш даражасидаги сифат ўзгаришларини янада тўлиқ акс эттирадиган статистик ахборотларни тезкор ва сифатли тайёрлашда иштирок этади;

очиқ статистик маълумотларни Бошқарма расмий веб-сайтида жойлаштириш йўли билан тарқатади ва барча фойдаланувчиларга статистик маълумотлардан фойдаланиш учун тенг имкониятларни таъминлайди;

Бошқарманинг маълумотлари асосида маҳаллий оммавий ахборот воситаларида (маҳаллий телеканалларда) таҳлилий лавҳалар, диаграммалар ва графикларни кенг намойиш қилиш йўли билан алоҳида статистик кўрсаткичлар тўғрисида аҳолини хабардор қилиш чораларини кўради;

статистика кузатувлари ва расмий статистика ахборотлари масалалари бўйича ахборот-тушунтириш ишларини олиб боради;

шартнома асосида, қонун ҳужжатларида белгиланган тартибда статистик, таҳлилий, ахборот хизматларини ва Давлат статистика ишлари дастуридагидан ташқари бошқа хизматларни кўрсатади;

д) Корхоналар ва ташкилотларнинг ягона давлат регистрини, статистика ишларини ташкил этиши учун зарур бўлган иқтисодий-статистик классификациялар тизимини юритишида иштирок этиши соҳасида:

Корхоналар ва ташкилотларнинг ягона давлат регистрида Наманган вилоятида жойлашган юридик шахсларни тўлиқ ҳисобга олишни ва улар фаолияти ҳолатидаги ўзгаришларни мониторинг қилишни таъминлайди;

интернет-ресурсларга жойлаштириш йули билан статистик классификаторлар ва уларга киритилаётган ўзгартиришлар тўғрисидаги ахборотларни фойдаланувчиларга тақдим этади;

е) вилоят статистика органларида ахборот-коммуникация технологияларидан самарали фойдаланишни таъминлаш соҳасида:

статистика ахборотларининг тезкорлик билан узатилишини ва қайта ишланишини таъминловчи янги ахборот-коммуникация ресурслари ва технологияларини вилоят статистика органлари фаолиятига жорий этишда иштирок этади;

ахборот хавфсизлигини таъминлаш, ахборот алмашишининг химояланган электрон кўринишига босқичма-босқич ўтиш хавфларга қарши тизимнинг самарали ишлашини таъминлаш учун норматив-ҳуқуқий ва ташкилий-техник базани такомиллаштириш бўйича Давлат статистика қўмитаси қабул қилинган чора-тадбирларни амалга оширади;

вилоят статистика органлари ахборот ресурслари ва тизимларининг ахборот хавфсизлигини таъминлаш, давлат статистикаси ахборот-ҳисоблаш тизимини руҳсатсиз фойдаланишдан химоя қилиш бўйича зарур чораларни кўради;

вилоят статистика органларида ахборот-коммуникация технологиялари соҳасида давлат сиёсатини амалга оширилишини ва "Электрон ҳуқумат" тизимини жорий этилишини таъминлайди;

ж) вилоят статистика органларининг иш усуллари ва шаклларини янада такомиллаштириш, фуқароларнинг мурожаатларига ўз вақтида муносабат билдириш, юкланган вазифалар ўз вақтида ва сифатли бажарилиши учун ходимларнинг масъулиятларини ошириш соҳасида:

жисмоний ва юридик шахсларнинг мурожаатлари асосида вилоят статистика органлари ишини такомиллаштириш бўйича амалий чоралар кўради;

вилоят статистика органлари кадрларининг малакаси оширилишини ва қайта тайёрланишини тизимли асосда таъминлайди;

давлат статистикаси соҳасида ҳуқуқбузарликларни профилактика қилиш ва статистик маълумотларининг тулиқлиги ва ишончилигини таъминлаш мақсадида хужалик юритувчи субъектлар билан самарали ҳамкорлик қилишни ташкил этади, улар учун максимал қулай шарт-шароитларни яратади;

статистика фаолиятини янада такомиллаштириш бўйича таклифларни тайёрлаш жараёнларида тадбиркорлик субъектлари ҳамда фуқаролик жамияти вакиллари билан ҳамкорлик қилади;

фуқароларни қабул қилишни ташкил қилади, жисмоний ва юридик шахсларнинг ёзма ва оғзаки мурожаатларини ўз вақтида ва тулиқ қуриб чиқилишини, улар бўйича қарорлар қабул қилинишини ва қонун ҳужжатларида белгиланган тартиб ва муддатларда мурожаат эгаларига жавоблар юборилишини таъминлайди;

Ўзбекистон Республикаси фуқаролари ва юридик шахслари томонидан давлат статистикаси соҳасидаги қонун ҳужжатлари бузилишини олдини олишга қаратилган огоҳлантирувчи ва профилактика хусусиятига эга чораларни, шунингдек, аниқланган қонунбузарликлар оқибатларини бартараф этиш чораларини амалга оширади.

Бошқарма қонун ҳужжатларига мувофиқ бошқа функцияларни ҳам бажариши мумкин.

3-боб. Бошқарманинг ҳуқуқлари ва жавобгарлиги

12. Бошқарма ўзига юкланган вазифалар, функцияларни бажариш учун қуйидаги ҳуқуқларга эга:

Наманган вилоятидаги давлат ва хужалик бошқаруви органларидан, фуқароларнинг ўзини ўзи бошқариш органларидан, банклардан, бошқа юридик шахслардан (зарур ҳолларда - уларнинг ваколатхоналари ва филиалларидан) давлат статистика ҳисоботини белгиланган тартибда олиш ҳамда ундан статистика мақсадларида фойдаланиш;

Наманган вилоятидаги давлат ва хужалик бошқаруви органларидан, давлат ташкилотларидан давлат статистика ишларини олиб бориш учун зарур бўлган маълумотларни (уларни ишлаб чиқишнинг исталган босқичида), шунингдек уларга илова қилинадиган тушунтиришларни сураш ва олиш;

Наманган вилоятидаги юридик шахсларни ва яқка тартибдаги тадбиркорларни давлат рўйхатидан ўтказишни амалга оширувчи органлардан, шунингдек юридик шахслар тўғрисидаги маълумотларнинг регистрлари ва ахборот базаларини шакллантирувчи ва юритувчи давлат органлари ва уларнинг идоравий мансуб ташкилотларидан Корхоналар ва ташкилотларнинг ягона давлат регистрини юритиш ва фаоллаштириш учун зарур бўлган маълумотларни олиш;

Наманган вилоятидаги юридик ва жисмоний шахсларнинг, шу жумладан яқка тартибдаги тадбиркорлар фаолиятининг давлат статистика кузатувларини Давлат статистика қўмитаси томонидан тасдиқланган шакллар ва методология бўйича олиб бориш ва олинган маълумотлардан статистика мақсадларида фойдаланиш;

давлат статистика кузатувларининг методологияси ва ташкил этилиши, шунингдек расмий статистика ахборотлари билан боғлиқ масалалар бўйича ахборот-тушунтириш ишларини олиб бориш;

статистика ахборотлари ва статистика маълумотларидан нотутри фойдаланиш ва талқин қилиш ҳолатларини куриб чиқиш, улар бўйича тушунтиришлар бериш;

барча юридик шахслар ва яқка тартибдаги тадбиркорлар томонидан давлат статистикаси соҳасидаги қонун ҳужжатларининг бажарилишини қонун ҳужжатларига мувофиқ назорат қилиш;

олинаётган статистика маълумотларининг туликлиги, ишончилиги ва ҳолисоналигини экспертизадан ўтказиш;

давлат статистика маълумотларида бузилишлар аниқланган тақдирда, уларни бартараф этиш тўғрисида курсатмалар бериш ва Давлат статистика қўмитаси билан келишилган ҳолда Наманган вилояти бўйича йигма давлат статистика маълумотларига тегишли тўзатишлар киритиш;

давлат статистика ҳисоботларини тақдим этиш тартибини бўзётган мансабдор шахсларга нисбатан қонун ҳужжатларига мувофиқ маъмурий жазо чоралари куриш;

давлат статистика ҳисоботларини тақдим этиш тартибини бўзганлик учун мансабдор шахсларга қўлланладиган маъмурий жарималардан тушумлар ҳисобига

Давлат статистика қўмитасининг махсус жамгармасини шакллантиришда иштирок этиш ва ундан белгиланган тартибда фойдаланиш;

қонун ҳужжатларида белгиланган тартибда Бошқарма таркибий бўлинмалари ҳамда туман (шаҳар) статистика бўлимларини ташкил этиш, қайта ташкил этиш ва тугатиш ишларини амалга ошириш, улар тўғрисидаги низомларни тасдиқлаш;

Давлат статистика қўмитаси топширигига кура давлат статистика кузатувларини олиб бориш учун шартнома асосида юридик ва жисмоний шахсларни жалб этиш;

ўз ваколати доирасида кенгаш ва эксперт органлари (кенгашлар, комиссиялар, гуруҳлар) тўзиш;

Давлат статистика қўмитаси билан келишилган ҳолда статистика масалалари бўйича халқаро семинарлар ва кенгашлар ишида қатнашиш;

шартнома асосида статистик, тахлилий, ахборот хизматлари ва Давлат статистика ишлари дастуридан ташқари бошқа хизматларни қонун ҳужжатларида белгиланган тартибда курсатиш;

қонун ҳужжатларида белгиланган тартибда вилоят статистика органлари ходимларининг меҳнатига ҳақ тўлаш, рағбатлантириш, мукофотлаш ва рағбатлантиришнинг бошқа турларини амалга ошириш;

Давлат статистика қўмитаси топширигига кура алоҳида вазифаларни бажариш учун функционал бўлинмалар ташкил қилиш.

Бошқарма қонун ҳужжатларига мувофиқ бошқа ҳуқуқларга ҳам эга бўлиши мумкин.

13. Бошқарма, зарурат бўлганда, бошқа давлат органлари ва идоралар билан бирга қушма қарорлар ва бошқа ҳужжатлар қабул қилиши мумкин.

14. Бошқарма ва унинг мансабдор шахслари уларга юкланган вазифалар ва функциялар самарали бажарилиши учун жавоб беради.

Бошқарманинг мансабдор шахслари ҳаракатлари устидан шикоят қилиш қонун ҳужжатларига мувофиқ амалга оширилади.

15. Бошқарма ходимлари "Давлат статистикаси тўғрисида"ги Ўзбекистон Республикаси Қонуни талабларини бўзганлик, тарқатилиши чекланган статистик маълумотлар, статистик ахборотлар ва (ёки) маълумотлар базасини йуқотганлик, сотганлик, берганлик ва бошқа ноқонуний ошқор этганлик учун, шунингдек статистика маълумотларини яширганлик ва бўзиб курсатганлик учун, ёхуд курсатиб уташган ҳуқуққа зид қилмишларга қумаклашганлик учун қонунга мувофиқ жавоб беради.

4-боб. Бошқарма фаолиятини ташкил этиш

16. Бошқармага Наманган вилояти ҳокимининг тақдимномасига кўра, Давлат статистика қўмитаси раиси томонидан лавозимга тайинланадиган ва лавозимидан озод этиладиган бошлиқ раҳбарлик қилади.

Бошқарма бошлиғининг Давлат статистика қўмитаси раиси билан келишилган ҳолда лавозимга тайинланадиган ва лавозимидан озод қилинадиган икки нафар ўринбосари, шу жумладан бир нафар биринчи ўринбосари бўлади.

17. Бошқарма бошлиғи:

вилоят статистика органлари фаолиятига умумий раҳбарлик қилади ва Бошқармага юкланган вазифалар ва функцияларнинг бажарилиши учун шахсан жавоб беради;

давлат органларида ва бошқа ташкилотларда Бошқармани ифодалайди ёхуд Бошқарма номидан ишончнома ва (ёки) ваколатлар беради;

Давлат статистика қўмитаси билан келишилган ҳолда, ходимларнинг белгиланган сони доирасида вилоят статистика органлари штат жадвалини тасдиқлайди;

Бошқармага ажратилган молиявий ва моддий-техника ресурсларини амалга оширилган давлат статистика ишлари ҳажмларига мувофиқ тақсимлайди;

Бошқарманинг таркибий бўлимлари ва туман (шаҳар) статистика бўлимлари тўғрисидаги низомларни белгиланган тартибда тасдиқлайди;

Бошқарма ҳамда туман (шаҳар) статистика бўлимлари ходимларини, шунингдек туман (шаҳар) хокимларининг тақдимномасига кўра туман (шаҳар) статистика бўлимлари раҳбарларини Давлат статистика қўмитаси раиси билан келишилган ҳолда белгиланган тартибда лавозимга тайинлайди ва лавозимидан озод қилади;

Бошқарма бошлиғи ўринбосарлари, Бошқарма ва туман (шаҳар) статистика бўлимлари мансабдор шахсларининг ваколатлари, мажбуриятлари ва жавобгарлиги даражасини белгилайди;

ўз ваколатлари доирасида вилоят статистика органларининг барча ходимлари томонидан бажарилиши мажбурий булган буйруқлар чиқаради ва курсатмалар беради;

вилоят статистика органлари раҳбарлари ва ходимларини рағбатлантириш ва уларга нисбатан интизомий жазо чораларини куллаш масалаларини ҳал этади;

вилоят статистика органлари ходимлари меҳнатини рағбатлантириш тизимини шакллантиради, юкори малака учун устамалар белгилайди;

вилоят статистика органлари кадрлар захирасини шакллантириш, шунингдек вилоят статистика органлари ходимларини қайта тайёрлаш ва уларнинг малакасини ошириш ишларини тизимли асосда ташкил қилади;

Бошқармага юкланган вазифаларни ўз вақтида ва сифатли бажарилишини таъминлаш учун амалдаги қонун ҳужжатлари доирасида зарур чоралар кўради;

Бошқарманинг кенгаш йиғилишларида раислик қилади.

Бошлик қонун ҳужжатларига мувофиқ бошқа ваколатларни ҳам амалга оширади.

18. Бошқарма бошлиғи ўринбосарлари:

мутасаддилик қилинадиган бўлинмаларга бевосита раҳбарлик қилдилар ва Бошқармага юкланган вазифалар ва функцияларнинг бажарилиши учун шахсан жавоб берадилар;

Бошқарма бошлиғи томонидан ўзларига юкланган бошқа функцияларни амалга оширадилар.

19. Лавозимга тайинлаш ва лавозимдан озод қилиш:

туманлар (шаҳарлар) статистика бўлимлари бошликлари - туманлар (шаҳарлар) хокимларининг тақдимномасига кура ҳамда Давлат статистика қўмитаси раиси билан келишилган ҳолда Бошқарма бошлиғи томонидан лавозимга тайинланади ва лавозимдан озод қилинади.

20. Бошқармада Бошқарма бошлиғи (кенгаш раиси), унинг ўринбосарлари (лавозимига кўра), шунингдек Бошқарма фаолиятининг асосий йуналишларини мувофиқлаштирувчи Бошқарма таркибий бўлинмалари раҳбарларидан иборат таркибда кенгаш ташкил этилади.

Кенгаш 5 кишилиқ таркибда ташкил қилинади. Кенгашнинг шахсий таркиби Давлат статистика қўмитаси раиси билан келишилган ҳолда Бошқарма бошлиғи томонидан тасдиқланади.

21. Кенгаш қуйидагиларни амалга оширади:

статистика фаолияти самарадорлигини янада ошириш, вилоят статистика органларининг функциялари ва вазифаларини такомиллаштириш бўйича аниқ чора-тадбирлар ишлаб чиққан ҳолда, вилоят статистика органлари фаолиятининг қонун ҳужжатларида белгиланган асосий йуналишларини танқидий куриб чиқиш;

давлат статистикаси соҳасидаги сиёсатни амалга оширишда Бошқарма фаолиятида бошқа давлат ва хужалиқ бошқаруви органлари, маҳаллий давлат ҳокимияти органлари билан ҳамкорлик қилиш ва мувофиқлаштириш бўйича таклифларни куриб чиқиш;

давлат статистика ишлари бажарилишининг бориши натижадорлигини ҳар чоракда танқидий куриб чиқиш;

жисмоний ва юридик шахсларнинг мурожаатларини, шу жумладан Ўзбекистон Республикаси Президентининг Виртуал қабулхонаси ва Халқ қабулхоналаридан тушган мурожаатларни ўз вақтида ва сифатли куриб чиқиш асосида, Ўзбекистон Республикаси Президент ва Ўзбекистон Республикаси Вазирлар Маҳкамасининг топшириқлари бажарилиши юзасидан самарали назоратни таъминловчи ижро интизоми даражасини ошириш, вилоятда давлат статистикаси соҳасидаги энг муҳим муаммоларни ҳал этиш бўйича аниқ чора-тадбирлар ишлаб чиқиш;

Бошқарма таркибий бўлинмалари ва туман (шаҳар) статистика бўлимлари раҳбарларининг ҳисоботларини эшитишни тизимли асосда ташкил қилиш, уларга юкланган вазифалар ўз вақтида ва сифатли амалга оширилиши учун уларнинг шахсий жавобгарлигини оширишни таъминлаш.

Кенгаш Бошқарма ваколатига тааллуқли бошқа масалаларни ҳам куриб чиқиш ҳуқуқига эга.

22. Кенгаш унинг мажлисида таркибининг ярмидан кўпи қатнашган тақдирда ваколатли бўлади. Куриб чиқиладиган масалалар бўйича қарорлар оддий купчилик овоз билан қабул қилинади.

23. Кенгаш қарорлари баёнлар билан расмийлаштирилади ва Бошқарма бошлиғининг буйруғи билан амалга оширилади.

Кенгаш фаолиятининг тартиби унинг кенгаш тасдиқлайдиган регламентида белгиланади.

Кенгаш йиғилишлари, қоида тариқасида, ҳар чоракда камида бир марта ўтказилади.

5-боб. Бошқарманинг молиялаштирилиши ва моддий-техника таъминоти

24. Бошқарманинг мол-мулкани асосий воситалар ва айланма маблағлар, шунингдек киймати унинг мустақил балансида акс этириладиган бошқа бойликлар ташкил этади.

25. Бошқармани молиялаштириш ва унинг моддий-техника таъминоти Давлат статистика ишлари дастурига мувофиқ Ўзбекистан Республикаси Давлат бюджети маблағлари ҳисобига амалга оширилади.

Давлат статистика ишлари дастурида белгиланган амалга оширилган статистика ишлари учун ҳақ тўлаш, Бошқарма томонидан Давлат статистика кўмитасига ҳар ойда тақдим этиладиган бажарилган ишлар далолатномалари асосида Ўзбекистан Республикасининг республика бюджети маблағлари ҳисобига Давлат статистика кўмитаси томонидан таъминланади.

Давлат статистика ишлари дастурига киритилмаган ва уларни ишлаб чиқишга кўшимча харажатлар талаб қилинадиган кўшимча статистика ишларига ҳақ тўлаш буюртмачилар маблағлари ҳисобига молиялаштирилади.

Бошқарма томонидан олинган фойда, амортизация ажратмалари, шунингдек бошқа тушумлар унинг ихтиёрида қолади ҳамда улардан вилоят статистика органларининг моддий-техника базасини мустаҳкамлаш ва ахборот-коммуникация тизимини ривожлантириш, ходимларнинг касб маҳоратини, ўз лавозим вазифаларини сифатли бажарганлигини, ижодий фаоллигини ва ташаббускорлигини рағбатлантириш учун белгиланган тартибда фойдаланилади.

26. Бошқарма Давлат статистика ишлари дастўрини бажариш доирасида ажратилган маблағларнинг ва ўз ишларининг бошқа натижаларининг тезкор ва бухгалтерия ҳисобини "Бухгалтерия ҳисоби тўғрисида"ги Қонун ва Бухгалтерия ҳисобининг миллий стандартларига мувофиқ амалга оширади, статистика ҳисоботини юритади.

6-боб. Яқунловчи қоида

27. Бошқармани қайта ташкил этиш ва тугатиш қонун ҳужжатларида белгиланган тартибда амалга оширилади.